

大清會典  
工部



大清會典卷之

工部

營繕清吏司

宮殿

國家定鼎燕京。宅中建極。

宮殿之制。環以

皇城。重以

紫禁城。左

太廟。右

社稷。外



朝內

宮。別殿翼室。秘省掖垣。東西分列。不儉不奢。萬年攸宅矣。

正陽門之內。為

大清門。三闕。上為飛檐崇脊。門前地正方。繞以石闌。左右石獅各一。下馬石牌各一。門之內。千步廊。東西嚮。各百有十間。又折而北嚮。各三十四間。皆聯檐通脊。東接

長安左門。西接

長安右門。門各三闕。東西嚮。兩門之中。南嚮者

天安門。為

皇城正門。

皇城之制。廣袤三千六百五十六丈五尺。高一丈八尺。下廣六尺五寸。上廣五尺三寸。甃以甃。朱塗之。上覆黃琉璃瓦。城四門。南即

天安。北曰地安。東曰東安。西曰西安。

天安門。五闕。上覆重樓九間。彤扉三十有六。門前

環玉河。跨石橋五。

即外金水橋。

石橋前立華表二。門

之內。東西兩廡各二十六間。東廡正中。為

太廟街門。西廡正中。為

社稷街門。兩廡之北。正中南嚮者。爲

端門。門制與

天安門同。門之內。車華表。東有神厨門。西有社  
左門。兩門之北。東西兩廡。爲六科垣舍。又北。爲  
部院府寺監朝房。皆聯檐通脊。再北。東出者。爲  
闕左門。西出者。爲闕右門。中

午門。爲

紫禁城正門。

紫禁城之制。南北長二百三十六丈二尺。東西長  
三百有二丈九尺五寸。高三丈。堞高四尺五寸

五分。下廣二丈五尺。上廣二丈一尺二寸五分。  
城四門。南卽

午門。北曰神武。東曰東華。西曰西華。

午門三闕。上覆重樓九間。南北形扉各三十有六。  
左右設鐘鼓明廊。翼以兩觀。傑閣對聳。左右各  
一闕。西嚮者曰左掖。東嚮者曰右掖。  
外朝之制。

午門內。東西兩廡。各二十二間。皆崇基。東廡之中。  
爲熙和門。西廡之中。爲協和門。門各三間。東西  
嚮。兩廡之北。正中南嚮者。爲

太和門九間三門重檐崇基石闌前後陞各三出左右陞各一出門前列銅獅子二其南環以金水河跨石橋五即內金水橋左右又各一門皆南嚮左曰昭德右曰貞度門之內東西兩廡各三十間東廡之中爲體仁閣西廡之中爲弘義閣東廡之北爲左翼門西廡之北爲右翼門皆東西嚮真正中南嚮者爲

太和殿基高二丈殿高十有一丈廣十有一間縱五間上爲重檐垂脊正吻二旁吻四前後金扉四十金瑣牕十有六殿正中一間設

御座殿前爲丹陛環以白石闌陛五出各三成列鼎十有八銅龜銅鶴各二丹墀爲文武官行禮位範銅爲山形鐫正從一品至九品清漢文各二行行十有八列於

御道兩旁殿左右各一門左曰中左右曰中右皆南嚮殿之後東西兩廡又各三十間正中南嚮者爲

中和殿縱廣各三間方檐圓頂金扉瑣牕各二十有四南北陛各三出東西陛各一出殿之後爲保和殿九間前陛各三出與

太和殿丹陛相屬。

中和殿左右陛各三成東西出。

保和殿後陛三成三出北嚮殿左右各一門左曰後左右曰後右皆三間南嚮前後出陛其北東為景運門西為隆宗門三門五間前後出陛東西嚮正中

乾清門為

內宮正門。

凡

內宮之制。

乾清宮門南嚮五間三門前陛三出環以石闌前列金獅二門內左右陛北出者二正中南嚮者為

乾清宮廣九間縱五間中設

寶座前為丹陛列寶鼎龜鶴中為丹陛與

乾清門相屬左右陛南出者二東西出者各一宮之東為

昭仁殿西為

弘德殿皆南嚮東廡為端凝殿西嚮其南東出者為日精門西廡為懋勤殿東嚮其南西出者為

月華門宮之北。正中為

交泰殿。滲金圓頂。制與

中和殿同。殿後為

坤寧宮。宮之東為

東暖殿。西為

西暖殿。宮後。正中北嚮者為

坤寧門。門後。正中南嚮者為

天一門。最後為

欽安殿。殿後為

承光門。門之後。左曰延和門。右曰集福門。其正中

為

順貞門。最後

神武門。為

紫禁城北門。以上宮殿門廡。皆崇基。闌柱。牕扉。丹

與外朝同。○由日精門而東南出者。曰內左門。門之

北。南嚮者。曰近光左門。自是而北。為東一長街。

街東。以次列三宮。前為

景仁宮。其北為

承乾宮。又北為

鍾粹宮。三宮之東。為東二長街。街東。以次列三宮。

前爲

延禧宮。其北爲

永和宮。又北爲

景陽宮。日精門之東爲

齋宮。殿曰

孚顒殿。齋宮之東爲

毓慶宮。殿曰

惇本殿。宮之北。東嚮者爲蒼震門。○由月華門而西南出者。曰內右門。門之北。南嚮者。曰近光右門。自是而北。爲西一長街。街西。以次列三宮。前

爲

永壽宮。其北爲

翊坤宮。又北爲

儲秀宮。三宮之西。爲西二長街。街西。以次列三宮。

前爲

啟祥宮。其北爲

長春宮。又北爲

咸福宮。又北爲

重華宮。殿曰

崇敬殿。宮之西。爲



大清會典  
建福宮殿曰

撫辰殿宮之南為

延慶殿月華門之西為道瓦力...之內南側者為

養心殿殿之外後西嚮者為啟祥門○

景運門之東北為

奉先殿西門曰

誠肅門正門曰

奉先門中為

正殿後為

寢殿皆九間南嚮如

太廟寢制左列神庫前列神厨

奉先殿之東為

寧壽宮其北為

景福宮南為

擷芳殿由協和門東出為

文華殿殿之東為

傳心殿門曰景行門後列祭庫神厨其前稍東東

出者東華門為

紫禁城東門○

隆宗門之西為

慈寧宮。其東曰慈祥門。北爲

壽康宮。又北爲

中正殿。殿之西爲

壽安宮。宮北爲

英華殿。由熙和門西出爲

武英殿。前跨石橋三。西爲

咸安宮。西南爲

南薰殿。西出者。西華門爲

紫禁城西門。

凡營建

宮殿。皆先期上請

欽命大臣。會部督建。至

午門以內

乾清門以外。及

皇城。

紫禁城。有應修葺者。報部會估。如工鉅。則冬庀材。

春舉工。事竣題銷。其隨時修繕。銀數至百兩以

上者。管工官具其工直之實於御史。御史赴工

勘驗。會部覈銷。不符者劾之。

凡

大清會典  
九  
皇城垣。部遣官以時巡視。補其闕損。與丹雘之剝落者。去艸之蔓生者。其南歲一芟治。東西北。五歲一芟治。

凡修建

宮殿所需物材。攻石。煉灰。皆於京西山麓。柟木。採於湖南。福建。四川。廣東。杉木。採於江南。江西。浙江。湖北。金甌。取備於江蘇。城甌。取備於臨清。琉璃。甌。取備於京窰。五金之用。采色之需。悉取給於戶部。工竣。皆由部覈實題銷。

凡

宮殿工成。在工員役。均別久暫。賞賚有差。






